





CONIUGIO XLIX

LECTISS. SPONSORVM;  
Viri Clariss.

Dn. FRIDERICI CLOSI,  
I. V. D.

et

Virginis Honestiss.

DOROTHEAE GOTTSVALDINAE,

Dn. Thomæ Gottsvvald, viri quondam Rei-  
pub. Freistad. Consularis re-  
lictæ filia,

GRATVLANTVR AMICI

---

*Addiemo 25 Nouemb.*



GORLICII

*Apud Iohan. Rhamba. Anno Christi*

---

M. D. XCVIII.



## EΥΦΗΜΙΑ ΤΑΜΙΚΗ.

**D**iuersis diuersa DEVS, mortalibus, autor  
Dona dat, arbitrio distribuitq; suo.  
Sed non esse puto donum præstantiusvllum,  
Quam castè seruans fida marita torum.  
Hoc quia contingit diuo tibi munere donum,  
Qui de pace tuum nomen & omen habes:  
Immenso meritas age toto pectore grates,  
In te tam summâ pro bonitate DEO.  
Nos etiam, stabili vos iungat amore, precamur,  
Autor coniugij legitimiq; tori.  
Vnus sit vobis animus, sit lenus & vnus,  
Vnum quos iunxit pectus, & vnus amor.  
Plurima postremò stent ad conuiuia mensæ  
Pignora, coniugij non mediocre decus.

*Lati ominis ergò scripta à*  
PETRO GVILELMO *Med. Doctore*  
& *Physico Freslad.*

PROBLEMA DONATVM  
FRIDERICO CLOSIO  
FREIST. V. I. D.

I. Coronato: II. Coronando: sub spe III. Co-  
ronæ, omn. opt. æter.

SI VSVI CVPIS ESSE REIPVBL.

hoc faciendum:  
illud omittendum.

**D**istraberis, neq̄ longa vacat cognoscere: paucis  
Finito: verbo auris detur amica breui.

1. Dic, quibus in rebus, summi vis inclyta iuris  
Cedat amicitis: & FRIDERICHVS eris.

Exerce.

Dic, quibus in spatijs optes producere vitam:  
Et sapiens nobis MITIO semper eris.

2. Fura fori iustum poscunt: hoc robore fulta  
Publica res constat: si secus, ic̄ta cadit.

Fict.

Fura tori placidum querunt: qui sospite DIVES  
PACE, DEI DONVM conuenienter amet.

Fura poli sanctum, qui corde sit integer, & re,  
Ore bonus, castris præferat astra, volunt.

3. Fus, uxor, DEVS, ex tribus his tibi vincula, Sponse,  
Injiciunt sertis: captus es: aptus abi.

Gottwalds.

NVMINIS arbitrio summi te dede clientem:

Quicquid ages iustus, IOVA patronus erit.

Paul. Bernauus, amoris & honoris ergò scrib. Freistadij.

A 2

SYRA

Proba mulier est præclarum donum, & dabitur timenti  
Dominum. Tam diues, quàm pauper recto pectore habet so-  
latium & lætitiã omni tempore.

**Q**ualis & unde tori felix sit copula, verbi  
Cælestis passim pagina sacra notat.  
Id quoque, quos mystes stabili iam fœdere iunget,  
Et sponsi & sponse nomen utrumq; refert.  
Nam faustum thalami fœdus descendere Olympo,  
DOROTHEA eximio nomine sponsa docet.  
Et quod GOTSWALDI laudato è stemmate nata est,  
Vincla tori à IOV à denotat ipsa regi.  
Indicat hac eadem vox, Numen Præsidis huius  
Cordi fluis votis auxiliare trahi.  
Sed FRIDERICE tuum CLOSI clarissime nomen,  
Qui benè concipiant talia vota, monet.  
Scilicet ætheriã per Christum pace fruentes,  
Et qui legitima fœdera pacis amant.  
Dotibus hos varijs rerum dominator & autor  
Afficit, & thalamum cælitus ipse beat.  
Ac vetitus si non donorum irrepserit usus,  
Nec gleba extulerit se decorata bonis,  
Tunc patris æterni largissima dextera dotes  
Augeat & exornat, quas dedit antè, novis.  
Copia donorum mandato crescit in usu:  
At tumor attenuat pectoris, omne bonum.  
Sic verè hac felix sociæ consortio vita est,  
Vnde polo atque solo plurima grata fluant.  
Hac vos non dubito vigili perpendere mente,  
Adq; DEVM casto fundere corde preces.  
Sic opis ætheriæ vos spes firmissima nunquam  
Fallet, & optatis vberiora feret.

Nam

Nam quod Christicolis spondet se IOVA daturum,  
Assiduis precibus de super omne datur.

Nos quoque sincero vobiscum corde precamur,  
Tale sit ut vestrum connubiale iugum.

Georgius Vechnerus S. Verbi diuini minister  
apud Freistadienses.

---

### Ad Sponsum.

**T**ene etiam, FRIDERICE, tori pia cura iugalis  
Afficit? & sera posteritatis amor?  
Sic est. Et quem non socij tenet ardor amoris?  
Natura has animis indidit ipsa faces.  
Primus enim fuit ut casti DEVS autor amoris:  
Sic quoque nunc thalami fœdera casta probat.  
At contrà obscœnos hostiliter odit amores:  
Sancitâque suum lege tuetur opus.  
Iesida exilium vatis, cineresq; Gomorrha,  
Interitumq; orbi qua tulit vnda, probat.  
Concipis ergò tuo licitos sub pectore motus,  
Quod probat ipse DEVS, carpere nemo potest.  
Tu Phœbi teneris vexilla secutus ab annis  
Nunc hausti precium dulce laboris habes.  
Excoluit varijs mentem tibi dotibus auctam  
A Ioue que ducit, turba nouena, genus.  
Eloquio linguam viridi formauit ab euo  
Docta Minerua tibi, Ius dedit ipsa Themis.  
Hinc serpit viridis circum tua tempora laurus,  
Hinc tibi surgit honos, gloria, fama, decus.  
Nunc etiam, donante DEO MVNVS tibi sponso  
Ducitur, exuperans, quas habet orbis, opes:  
Non quas voluit opes sinuoso flumine Ganges  
Aurifluus, tanti muneris instar habent.  
Consule nata ferit tecum pia fœdera Virgo,  
Fœdera perpetuo non soluenda die.

A 3

Illam

Illam non casto superet Lucretia vultu  
 Quæq; furente sui torsit amore Parin.  
 Corde sedet pietas, decor ore, modestia vultu,  
 Fronte pudor, sermo nil leuitatis habet.  
 Laurigeræ thalamo Musæ dant carmina, Phœbus  
 Tensa lyra docto pollice fila mouet.  
 Ergò choros duc, Sponse, modos facientibus ipsis  
 Aoniis, sic res leta, diesq; iubet.  
 Sis felix: hilari DIVVM complectere MVNVS  
 Pectore, discordi sit sine lite torus,  
 Nec vos turturibus casto cedatis amore:  
 Effigiem casti turtur amoris habet.  
 Viue diu, atque annis age Nestora vince trifeclem,  
 Funere, Sponsa, diem non nisi claudat, anus.  
 Vltima vota ferens: bis quinis mensibus actis,  
 Prole, parens, pulcrâ fiat vterque precor.

M. Petrus Beccerus Freist.  
 Scholæ patriæ Rector.

---

M. LAVBANI P. L.  
 AD SPONSVM, ODE VOTIVA,

QVantâ penates optimitate meos  
 Exhilaravit, queis ô mea gaudijs  
 Atlantix Nepos propâgis  
 Pectora Mercurius repleuit?  
 Annunciando, nostra quibus reduci  
 Forte tibi, vt memini, Musa precatibus  
 Congratulante ceterarum  
 Non sine lætitiâ Sororum  
 Primam ad salutem applaudere amavit: eos  
 Arbitrium, angustam post morulæ horulam,  
 Verasse



Verasse partem haut pœnitendam  
Præmoderantis herile IOVÆ.  
Ut nempe, sicut gratia te atque fauor  
Eunomiæ victrix laureolâ induit  
Nuper palæstritam perenni:  
Sic Erycina quoque alma leges  
Te sub suas & iura Cupidineis  
Sub sua compellens mox vadimoniis,  
Non sit litium foriue saltem,  
Sed subolis quoque procreandæ  
Artem frequentari iubeat. Viden' ut  
Candida amicorum sint rata pectorum  
Per sæpè vota, quæ ipse lætis  
Exitus omnibus coronat,  
Rarò integellas, vero ab amore, preces,  
Si proficiantur mutuò, inefficax  
Frustratur error, tantum amicæ  
Robur inest pietasque menti!  
Felicitati non ego tam niuæ  
Gratuler ô CLOSI? non ego pristinis  
Pro te tuâque pro maritâ  
Accumulem noua vota votis,  
Dignus pol istoc DOROTHEÆ thalamo  
Præ reliquis passim ferris amasiis,  
Diona quam Thalassiusque, &  
Mulsobibæ Charites venustant,  
Pecuniosæ

Pecuniosæ quamque opulenta Tyches  
Parte sui quintâ fenoris imbuit  
Benignitas, quis ceteris hanc  
Dotibus optet abesse partem?  
Dignusque porrò es, Sponsaque digna tua est;  
Instar Auis centum condere Arabicæ  
Messes vel amplius, senectâ  
Vnanimâ viridique crure.  
Digni estis ambo, vt DOROTHEE genitrix  
Reddita post annum, Sponseque tu pater  
Tenellulum lætemini almis  
CLOSIPOREM vsque salire in vlnis;  
Papillulasque admorsu agitare leui;  
Et roseis patrem nosse labellulis  
Ridendo; quem fratrum sequatur  
Deinde ducem chorus & sororum,  
Quid multa? vester rara sit vsque torus  
Effigies clarorum oro THEAGENIS  
Phthii CHARICLEAEQUE amorum,  
Æthiopi nigra quam creauit  
PERSINA Regi; quorum animum atque fidem  
Rumpier ignaram turba Heliconidum  
Miratur omnis; & beatis  
Prætulerit meritò, quot vsquam  
Sunt aut fuerunt, Coniugibus, quot & hinc  
Post geniti exstabant tempore sæculi.

LAVBANVS

LAVBANVS ecquid gratulando  
 Candidius queat ominari  
 Confarreandi more tibi licitis,  
 CLOSI, operato aris? Cetera patrij  
 Canent Olores: aut ( quod opto,  
 Quodque tibi fore perdecorum  
 Ipsa arbitretur Cinxia ) Pindaricis,  
 Sponse, tuam in laudem rite melismatis  
 MEIBOMIANAE exasciatum  
 FRENZELIAE que poëma Cleiûs  
 ELMANA mittet IULIAS, officijs  
 Dedita iam dudum nobilioribus  
 Tibi; auguralem ex quo Themistos  
 Accipere inde datum est tiaram,  
 Diuæ approbatum numine, Sat mihi erit  
 Hæcce salutatum ferta viraginis  
 Suspendere ad Sponsæ cubile;  
 Et Schediæ apposuisse castum  
 Emblemata curæ, Prima, quibus licitum est  
 Dante Deâ, seruent, ô si aliquantulam  
 Ego in secundis tertijsve  
 Prædicer obtinuisse palmam!

---

*AD NOMINA SPONSS. ALLUSIO.*

**D**ONVM Sponsa Dei est quæuis, ne quis neget; huius  
 Fulcit enim Gnomes pagina dia fidem.

B

Sed

Sed non omne DEI est donum omnibus utile: cœca  
 Sæpe Hera retrogradam gestit abire viam,  
 Donorum vsque adeo cœlestium abusio crebra est:  
 IOVA suæ dono vt nolit adesse manûs.  
 Quàm malè tunc cedunt vel dona potissima: dantis  
 Si rectrice DEI destituantur ope!  
 Et tibi iam donum, FRIDERICE, nouum annuit Hymen  
 Seu rem, si uerei symbola Græca notes.  
 Res Sponsa est liquidi donum illud amabile cœli:  
 Dona Deiq; sonant symbola DOROTHEÆ.  
 Sed quibus vtetur donum hoc successibus? inquis.  
 Accipe, quæ tripodis do potiora fide:  
 Si qua notanda inerunt (inerunt quoque) nomina vestris  
 Nominibus; Dono faustius hoc nihil est.  
 Nam Venus amborum præsens sine fine cluebit  
 PACIS GLEBA FERAX AVXILIANTE DEO.  
 Quàm bene disposita est dos ecce reciproca vtrimque,  
 Vir PACEM, AVXILIVM dat noua nupta DEI!  
 Aut hæc mellifluæ sunt nomina præscia sortis:  
 Aut alibi rebus consona nemo dabit,

*Idem LAVBANVS.*

---

## Chronologicon nuptiarum.

**A**nnVa VbI eC Ce reDIt nobIs CatharIna: LIgat Vr  
 PaCIs gLeba feraX aVXILIante Deo.

*M. Laub. P. L.*

**ACROSTI-**



ACROSTICHIS,  
Sponsorum nomina alternans,  
Anagrammatica.

FRIEDERICVS CLOSIUS DOCTOR,  
DOROTHEA GOTESVVALDINA,

per Anagrammatis,

TORI VINCLIS CORDA LIGATO DEVS;  
HVC, ô DOS VERA, FER DOTES.

F elices animi, quibus hæc sententia fixa est,  
D ona dari è superâ sede petita sibi!  
R itè petita sibi. Nam quò ruit impetus ardens,  
O mnia qui stolidè sub sua vota rapit,  
I lla cupi prohibet, renuitq; cupita IEHOVAH:  
R espicit ob laudem sola rogata sui.  
D cuius, haud, error vos prosperitatis ab huius,  
O Sponsi, accessu, flectere cogit iter.  
E gregiè sapiunt diffidere, vestra, saluti  
T errenæ, verbo, pectora, freta sacro.  
R egis ab ætherei quæ numine iusq; piumq;  
H uius & auspicio fœdera sancta petunt.  
I psa DEI DONVM profitentur nomina Sponsæ,  
E t benè quod cedant AVSPICE cuncta DEO.  
C oniugio PACEM spondent quoq; nomina Sponsi,  
A c vos de primo coniuge GLEBA monet.  
V nde caput thalami consors primordia primus,  
G rata piè vestro poscitis inde toro.  
S ortiri hinc poterunt successum vota secundum,  
O men & admixtum nomina mixta bonum.  
C ORDA LIGATO TORI VINCLIS, DEVS, ô bone, DOTES  
T u, DQS VERA, FER HVC corporis ac animi,

B z

L ætq;

**L**ætāq; fortunæ largitor munera Sponsis,  
**E**n modo queis cornu diuite diues ades.  
**O**rdea namque Ceres, te prospiciente, ministrat,  
**S**eminis vbertim debita soluit agris.  
**S**uggerit effusè præter spem dona Lyæus  
**V**itea, opum confert Iuno serena latis.  
**D**at Pomona suos, quos legit ab arbore, fructus,  
**V**itali Lachesis molliā pensa manu.  
**O**ra venusta Venus, Charites moderamina morum,  
**A**tq; mali formant nescia corda doli.  
**C**ætera, cum dictis quæ sat perpenditis ipsi,  
**L**onga nimis, præfens Musa filere iubet,  
**T**erminat hoc voto: Casti da fautor amoris  
**D**uret amor, duret dos tua larga, **D E V S.**  
**O**mnia quæ defunt fatis affunde secundis,  
**I**pse metus, curas, damna, pericla fuga:  
**R**estet ne laribus quod turbet commoda **P A C I S,**  
**N**ec quod acerba **D E I** reddere **D O N A** queat.

### E T E O Σ T I X O N .

**S**it Cathara Vt feLIX Casto fVb fœ Dere IVn CtIs.  
**Q**uoD panXêre tIbI, ChrIste benIgne, preCor.

*Valerius Tschernerus Sprottau.  
 Corrector scholæ Freistad.*

---

**FRIDERICO CLOSIO I. V. D.**  
 Domino & Compatri suo honorando. S.

<p> <b>E</b>T te carminibus non celebrem meis,          Qui Musas aliquid posse meas putas,          Præstantissime Cloſi?          Nec pleno canam Apolline          Dotes ingenij, nobile præmium          Virtutisque tuæ? quo Themis admodum          Nuper te decoravit,          Latis non sine plausibus.       </p>	<p>         Nil non sedulitas efficere est potis:          Sed quid sedulitas: ni quoque desuper          Largum cales Olympo          Rorem gratia depluat?          Huic accepta refer tute igitur bona          Qua Natura tibi diuite detulit          Cornu, mi FRIDERICE,          Ingens opatris decus.       </p>
---	---

*Quem*

Quem non consilio IOVA suo adiuvat:  
Hunc Lethe obtenebrat, pernicies bona  
Fama pessima: doctrina  
Etsi omnem Oceanum hauserit.  
Ergo quod patria reddideris tua  
Te plenum Eunomies nectare: solius  
Est Ioua, patriam qui  
Gaudere indole vult tuâ:  
Qua nunc dote beat te ecce recipiâ  
Desponsam associans: qua patre Consule  
(Quem FREISTADIA Luget)  
Nata est, matreque prouidâ.  
Hoc munus superum suspice: despice  
Quid contra blateret vulgus iniquus:  
Mensuramque adamati  
Posthac nominis impleas.  
Floret pace domus: pace forum viget:  
Florent pace Lycea: insula pace ouat:

Pax isthac tamen usque  
Si VERO Veniat comes.  
Sed quorsum hi monitus? scilicet optimam  
Ceu tu pacifico ducis originem,  
Vir praclare, parente:  
Sic presaga animi augurat  
Mens, Vestigia te Velle patris sequi,  
O Te, Sponse, precor, IOVA superstite:  
Dum Lucina maritæ  
Aspiret facilis tua!  
Vt cernas oculis dulciculos citò,  
Casti grata tori pignora, surculos.  
Sic te prolis ouanti  
Patrem carmine dixero.  
Hac nos: astit alij, queis melior fauet  
Cleio, non renuent tollere ad atheræ  
Sponsi dona celebris,  
Sponsaque egregium decus.

Abraam Cremerus Grunenbergensis.

---

## PHALEVCVS

Ad Sponsum.

Antistes THEMIDOS, diserte CLOSI,  
Et Lepos CHARITVM sereniorum,  
Et Flos purpuree optumum virorum,  
Scin' quid Nobilis, inclutus, grauisq;  
(Quem Smaragdinam & auream medullam  
Doctorum, sapientiore voce,  
Oraclum sapiens renunciauit.)  
Innocens Anyti reus regessit,  
Tum quarentibus vsq; & vsq; alumnis  
Nuptiis super? En! ait, gregatim  
Naffas infidijs petunt dolofas,  
Neptuni pecudes, sagenulasq;  
Circum ludere gestiunt frequentèr,  
Quiq; proximitate tum cupiscunt  
Primâ pergere, & ingredi, recepti

B 3

Certatim

Certatim regredi expetunt miselli:  
 Haut dispar ratio est benè æstimatæ,  
 Vitæ cœlibis, atque copulatæ.  
 Hanc liberrimi amant, coluntque mirè  
 Implent eulogiis simul, petuntque:  
 Hanc omnes liquidi ad suprema cœli  
 Tollunt atria. Gordijs sed inde  
 Nodulis benè, firmiterq; vincti, &  
 Nexu plusquàm adamantino ligati:  
 Eheu! quàm miserè stupent, dolentq;  
 Eheu! quàm miserè gemunt, tremuntque  
 Facta, infecta volunt, thorumq; damnant.  
 FRIDERICE, quid expetis? quid ergò  
 Cogitas? quid agis? tuæ saluti  
 Vah! nil consulis? haut sapias? quid ipsum  
 Is te perditum? & vsque negligentèr  
 Cur te negligis? & iugo peremni,  
 Subdis libera (væ!) subindè colla.  
 In quo lacrymulæ feueriores,  
 Et suspiria maxuma, & querellæ,  
 In quo principium omnium malorum.  
 Fallor? nùm meliùs sacratoris  
 Causam Fœderis æstimas? profectò  
 Pensitas benè rem, suauioris  
 Dùm fructûs thalami salubriores  
 Ruminas; quibus est sereniùs nil,  
 Et certè quibus est beatius nil.  
 Quàm nosti benè copulationis,  
 Quis sit Fundus, & Auctor, atque Fautor?  
 IHOVA, IHOVA DEV S, sacri Ignis Auspex,  
 Non fors cœca. Quid ergò vota amica  
 Pro Te reddere maxumè recusem?  
 Vota, vota dabo citis Phaleucis,  
 Et PATRI, atque SATO, sacræq; FLAMMÆ;  
 Sponsam ob DOROTHEAM, tuis venustè  
 Moribus, studiisq; congruentem.

IOH. VVEIDNERVS SPROTT.



ΠΡΟΒΛΗΜΑ ΕΡΩΤΙΚΟΝ.

**E**T vota, & vestris benè consona nomina votis,  
Docta cohors, thalamis officiosa, canit.  
Quid me, CONSOBRINE, tuo cupis addere honori?  
Applaudo votis: & nova scita fero.  
An dilecta magis tibi virgo ASTRAEA? petita  
An magis SPONSA placet? SPONSE adamate, refer.  
Et dubitas? tibi namq; ASTRAEA ministrat honores:  
Ast oneris molem SPONSA venusta leuat.  
Illa decus, famam, & nomen post funera servat:  
Hæc thalami, & vitæ spesq; decusq; manet.  
Ne dubites: nulla huic pugna est, qui nomine PACIS  
Gaudet: DONA DEI hæc sunt, & amata tibi.  
Utraq; amata tibi, tuq; equè charus utriq;  
Hinc utraq; viges, teq; vigente, vigent.  
Quem tibi perpetuò precor, optime SPONSE, vigorem:  
Ut cum PACE DEI DONA petita feras.

Consobriño dilecto honoris  
& amoris ergò P. P.  
M. IOHANNES SCYLITIVS Freist.



A 2490

ULB Halle

3


003 485 986




sb

kom







B.I.G.

Farbkarte #13

CONIVGIO <sup>XLII</sup>  
*LECTISS. SPONSORVM;*  
Viri Clariss.

Dn. FRIDERICI CLOSI,  
I. V. D.

Virginis Honestiss.

DOROTHEAE GOTTSVALDINAE,  
Dn. Thomae Gottsvvald, viri quondam Rei-  
pub. Freistad. Consularis re-  
lictæ filia,

GRATVLANTVR AMICI

*Addiem 25. Nouemb.*



GORLICII

*Apud Iohan. Rhamba. Anno Christi*

M. D. XCVIII.

42.